

補輯石砭廳新志

地理志第一

沿革
山水

天時
疆域

地理志昉自班孟堅史部鴻裁也方書撰述如關中記豫章古今記鄴城記吳地記之類一區一域偶經載筆皆足備當代輜軒之採而學士大夫繁稱博引亦得以資考証焉唐宋州郡之書多以圖經名蓋象數至蹟不能求詳於文字故編記之外繫之以圖虛實相參極其該備但圖之為體無辭句可以誦習非纂輯可以約收而繪景畫形專門

補輯石砭廳志

地理第一

一

之學文人難於摹寫百千年後偏廢不傳矣三輔黃圖且然况其他乎近代志家乃亦有圖往往不詳經制而以八景十景雜廁簡端習尚相沿義同弁髦此又仿古而不得其體要者也今按地理而言之石砭為四川省東南邊鄙綜其沿革則時勢殊焉觀其天時則寒燠異焉其山水有險夷其疆域有廣袤職是邦者仰觀俯察修明封守考古証今因地制宜而熟籌夫教養安全之畧神明夫因革損益之權豈非為政之要務歟志地理

沿革

石砭之名石砭土司之設皆昉於趙宋南渡沿於元著於明我

朝

因之歷百有五年至乾隆二十七年乃改歸內地為石

砭直隸廳而南宋以前則先為內地南賓縣以縣之河

得名也自晉隋以上未置縣無可考唐武德二年析

浦州今萬縣之武寧縣置南賓隸忠州宋因之建炎時

又置石砭安撫司於縣地而猶有縣隸忠州元仍宋

制明乃廢南賓縣併入酆都其石砭土司則如舊南

補輯石砭廳志

地理第一

二

賓內地也何置土司其地東南二境與五溪苗蠻接壤

當宋高宗時南北構兵中原大亂苗蠻乘隙不靖劫掠

鄰境沿江州縣蕩析離居或謂漢伏波將軍馬援五溪

蠻敬畏如神戶祀之以援裔能事者往征當易平已得

扶風人馬定虎援三十九代孫也知兵饒膽畧朝命領

兵進勦定虎入川駐水車垵今廳東百里舊城垵擊之苗果震懼

潰散捷聞即以南賓縣地官之縣東南六十里有高峰

直上狀類砭乃置石砭安撫司勅馬氏世襲節制九溪

十八崗為鎮服苗蠻之計厥後夷漢相安故元因其舊

明洪武八年以馬克用功陞爲宣慰司
良玉功又陞爲宣慰司

國朝順治十六年全蜀歸附石砭仍爲宣慰司其改內地

直隸廳隸川東道今裁十有四年

按舊志作於乾隆十年乙未至今道

壬寅歲又歷一南賓也既設安撫司矣何宋元二史六十有八年

有南賓縣隸忠州至明又有縣地併入酆都乎今廳城爲土司舊治而土司宋元時之治則在水車塢明初馬克用始遷此城西南萬安山陰石壁上唐開元宋徽廟南宋寶佑間南賓縣令陳元珪諸人均有詩記石刻詳建

補輯石砭廳志

地理第一

三

置及藝文則南賓縣治之在此固確矣想南宋初雖於南賓

縣境增置石砭安撫司以控制苗蠻而其地未盡與馬氏也故南賓縣猶隸忠州土司與流官唇齒相輔相去百里以成犄角之勢逮明以地小無益遂省入鄰邑其縣乃廢迄今酆都縣十一二甲之地皆與廳地犬牙錯當卽所併南賓縣之地縣既廢土司乃遷居南賓治也或曰城西南二里許地名十花潭爲縣舊治瓦石猶多然地勢窄狹不似縣城或曰是爲南賓驛城外置郵所也其說近是姑考其概以俟博雅

天下志乘無不先言星野卽前輩名作康對山志武功亦引其舊志句云雍州之域井鬼之次韓五泉志朝邑亦有句云於天文爲參之分野廳地居重慶之東南州之西南依天官家言分之非雍州井鬼之次卽荆翼軫之次矣吾諸城前輩陳煜明嘉靖壬戌進士官嘗陝西延寧兵備道曰天無體以二十八宿爲之體繞極周天而行無一息之停其所照臨高矣遠矣乃以區區九州之地而云各有其主宿者其意謂九州之地足以蔽列宿故於一邑

補輯石碛廳志

地理第一

四

彈丸之區亦必求專宿主之於三萬里之上噫何其小之乎窺天也旨哉斯言可破郡邑志分野之妄余每佩服故此志不敢言及且夫天道遠而難知天時近而可見而此地之雨暘寒燠則有異於他方者四時之雨夏月爲多天下古今皆然故六月月令曰大雨時行廳則自八月至次歲四月月雨十餘日或廿餘日甚至日不雨犬幾可以吠日五七月卽雨少暘多至六月則不雨其常雨其偶矣一歲然猶可言陰陽之愆無歲不然則天時雨暘之有異也寰宇地勢南偏煖北偏寒至

一郡一邑之地其寒燠無不一者廳地則北燠南寒北鄙大山坪外燠同忠鄆廳城南北各四十五里較江北稍寒而不甚南鄙六七十里外則氣候絕殊故北輕穀南皮裘北搖扇南擁爐一二百里間如秦越之分則時寒燠之有異也天時之雨暘寒燠有異則人事之藝收穫亦當不同爰志之以告斯民

冉氏重修志曰舊志謂廳地雨暘寒燠異於他方余土人也生五十餘年矣讀其志而歷歷驗之殊非實錄今按天道至常而星躔道度無十年而不變地

補輯石砭廳志

地理第一

五

氣因之非特殊彼此且異今昔如歷家推測莫不鈎深致遠究或數歲或數十歲而差不能以唐宋諸歷施之今也廳地在萬山中舊爲蠻烟瘴雨之鄉前數十年天時地氣舊志當非臆說後乃天道遷移漸同內地耳冉君生後於王今去冉君作志又三十年前後各異其時卽各書所見正不容執一而泥也至其氏志首述星野定爲井鬼之次觀其所引諸生語多矛盾卒以騎牆之見爲疑似之談固不如王志之畧而不書也冉三思之仍用舍旃

山水

山廳境無地不山土人只呼大山坪為山 大山坪障

蔽北境東西綿亘五百里青翠插空廳城直北倚天峰

一名方 為最高處常有積雪 馬斗燧八景詩所謂倚天積雪即此 陟巔

望境內山皆為培塿矣其有名可志者城脈發南四十

里龍骨山 蟬聯東北行二十里為頂子山 又西北

為岡陵數里遞落入城 河北鳳皇山 馬斗燧八景詩所謂鳳皇疊嶂

此即為城後屏障故亦名元武山 城東帽兒山 去城里許絕頂

山巒形西插旗山 去城一里峭拔壁立狀若飛旗上有亭臺故址今無存 馬斗燧八景詩所

補輯石砭廳志

地理第一

六

謂西山翠 龍虎砂也 南獅子埠 去城半里許再南華義冢在焉

峯寨遠近兩案也 西南萬安山亦名古樓山 馬斗燧八景詩

所謂仙崖 城河關鎖也 四川通志作鼓樓山以山頂舊有鼓樓也 城東十

五里回龍山前臨南賓河 山之麓為明都督秦夫人墓 東南六十

里萬壽山頂平濶四面險峻其上為萬壽寨 在山絕頂前有駐馬

關缺門二隘由廳城東南行一路岡巒起伏尚覺平

不甚崎嶇將至山麓乃緣峭壁旋繞而過轉出駐馬關

險絕不可名狀援石崖折而陡下至缺門又向南盤旋

牽附而上始為寨之第一門左右俱臨百丈溪壑令人目眩心悸蜀道難所稱猿猴欲渡愁攀援者不過如是

由第一門至第二門第三門險亦如之舊有礮臺二座直對駐馬關旋繞轉出之處飛礮可以徑達人不能避再過第三門半里許方至內寨平濶之所可置千餘家

後寨亦絕險前後隘道一夫當之似七泥之封函谷
且其內寨懸絕頂而清泉四五隨處湧出甘冽異常
四時不涸其一最大而形方縱橫一丈八尺周圍甃之
以石汲水者由石級上下級廣八尺有奇其水可供數
千家聞諸父老朱容藩圍馬萬年於此山險不可躋遂
斷其汲道以為不日可下迨月餘不能克猶弗解圍探
知其故以生魚數尾投之賊乃驚遁山間石壁均多前
人題咏歲久封於苔蘚莫能辨識惟第二門石佛之
秦良玉鏤萬壽山三字字廣尺餘筆法迥
勁馬斗燧八景詩所謂萬壽連雲即此
山右石峯高
出數十丈
馬斗燧八景詩所謂萬壽連雲即此
西南百二十

里白沙嶺產白鉛百四十里尖山子舊銅廠在焉其他
層嵐疊嶂不可枚舉土人皆呼之曰坡不以為山也

水大山坪之北水皆自流入江其南山澗之水大小不

補輯石砭廳志
地理第一
七

一土人皆曰溪如山之曰坡也 惟南賓河曰河自湖

廣中路司境發源又名三江溪河源三道
一出桂子洞 一出冷箐溪

一出龍 西北至青桐園入境合流百數十里受廳東南

二境之水至大河嘴 大雪溪水東來
自青桐園發源 北流至白龍灘

入河 土溪水東北來
自悅來場西南流 左右注之

西北二十里龍潭水
四川通志云昔為龍窟岸山聳 每月落山坳影映潭底景色幽奇

號為水晶宮馬斗燧八景
詩所謂龍潭映月即此 南來注之 抵城折而北又

折而西受大鳳溪水
在廳北其源有二 一自茶店 一自黃蓮峽至菜地塢合流經烏龜堡

入河 又折而南繞城三面故亦名玉帶河
馬斗燧八景詩 所謂寶瓶玉帶

卽象形也

至城西南受都會溪水

在廳南自三會場北流至橋頭場經

萬安山入河

過萬安山北分流中出長洲為土人菜圃

洲

西合流二十里受廳西境諸水至廖家坝金紫洞伏流

山中至鄧都縣界出為葫蘆溪又名烏楊坝河至縣城

南入江 城東北二百里臨溪場東二百里倉坪場南

北之水則為山勢所阻皆東北流

南為九龍溝

自石家坝

發源

北為官渡河至龍潭坝合流過河嘴場經利川界

至雲陽縣新軍口入江不歸南賓河也

大江東下廳

界僅有洋渡溪沿溪西界沱三岸口餘皆鄰境故不贅

補輯石砭廳志

地理第一

八

今按廳境山重水複目不暇給雖土人亦不盡識其

名舊志所載皆其大者李氏志有城東北五十里萬

聚山以眾山環聚而名百四十里石涼傘山又名石

幢山以形似張蓋名廳南一里斑布山以色如斑布

名以及南一里腰子山再南二里大山之為義冢清

水潭之發源石幢山魚泉之在馬尾壩皆據四川通

志補入者也至冉氏志形勢云廳為川省東南極邊

勢據荆地湖湘之上舊作世傳疆土土司例不興築女

墻新歸無外版圖仍未議修雉堞然山川之險形勢

之奇控楚連黔背江面澧賓流繞帶挹城郭而迴環
石砮擎天倚岡巒而屹立南爲龍骨蜿蜒至於東郊
北有鳳凰翱翔出乎西嶂越崔嵬而臨德水舟楫生
涯登方斗而眺瓊瑩琉璃仙界前擅獅埠龍潭之勝
後多金鯉元武之奇大小風門扼滇池之衝要崢嶸
沙子通鄂渚之咽喉灑灑瀨瞿塘魚腹之潺湲在水華
封萬壽清江之險阻維山斯誠西蜀屏障之區抑亦
東隅雄秀之地也語極簡該並存以資考核

疆域

市場塘汎附

補輯石砮廳志

地理第一

九

廳爲川省東南極邊接連楚境土司時屬夔州府乾隆
二十七年改直隸廳設同知流官與重慶夔州二府忠
達酉陽三州同隸川東道

途程由陸路至重慶道轅七百里又千里抵成都 水
程至重慶如陸又千五百里抵成都

疆界東三百八十里至湖北施南府利川縣界 東南
近百五十里南百八十里至彭水縣界 西南近三十
里西二百二十里至酆都縣界 西北百里北百里至
忠州界 東北二百里至萬縣界 約計廣五百里袤

二百八十里此特疆域之大凡也然鄰封接壤犬牙相錯之處遠近懸殊方隅道里要不容膠柱觀耳境內皆有鄴都交插之地蓋南賓故地前明併入鄴邑者也

市場塘汎城東為廟垣場 又東石家垣 又東南過

三塊石為黃水垣產黃連處置塘汎後改置老土地場 又東南倉

坪場 城東南為龍潭子即龍潭映月處也嘉慶三年沒於水今廢 又東

大河嘴 又東南蒿枝垣 城南無大場居民貿易

赴鄴屬雙河場 城西南為下路垣 逾大小風門

為雙流垣大風門在廳治南一百四十里其門在峻嶺之上兩面石崖僅可魚貫而行過門後建甌

補輯石砭廳志 地理第一 十

而下陡峻十餘里直抵雙流垣方入坦途隆冬積雪彌望冰山數十年前林箐陰森中有木梯數里行人便之

邇來斧斤斫削漸成濯濯木梯亦朽腐矣乃廳人赴西陽彭水之隘道 小風門在大風門之北由芭洲垣攀

援而上二十餘里方至其處較大風門稍寬中有石筍如門棖然過此四五里即為大風門二隘口蟬聯不斷

重關複壁治 又南為濫泥垣 又西南為馬尾垣亦南要區也

麝香 置塘汎並設外委分防 城西偏南為三根樹

置塘汎後改置鄴界三會場 偏北為姜池場石鄴兩界前明成化設巡檢分防今

廢 城西北亦無大場 城北分二道西出燈盞

窩水洞子逾大山坪為倒流水場 又四十五里抵江

南岸左右夾鄰忠鄴為洋渡溪廳之水陸通衢也置塘

汎 東出大歇塘北為茶店亦逾大山坪抵忠州界

為舖遞文移之路 東北為油榨房 東十里經鄧

境 大沙 又三十里為悅來場 場南數里為舊城垣

宋元時土司舊治也 今廢 北逾猴子石 大山坪 為崖口

場 俗各坡 又北抵江岸為沿溪場 自悅來場東

為桅杆垣 今廢 又東北依大山為魚池垣 又東王家

垣 又東臨溪場 亦名冠頭場市太 置塘汎 又東河

嘴場臨官渡河岸與利川分界 自臨溪場北出楠木

了 亦大山 七十餘里北抵江岸忠萬交鄰為西界沱水

補輯石砭廳志

地理第一

土

陸貿易烟火繁盛儼然一郡邑也置塘汎且設巡檢駐
之

統計場二十有四塘汎六官弁分駐各一